

毛詩復古錄

卷八卷九卷十

金保權署檢



07760

毛詩復古錄卷之九

生民八章四章章十句四章章八句相間為章法

武王十三年巡狩河南經周公幽邱采始歸鎬京勤勞

成疾告周公曰昔皇祖底皇祖謂后稷底謂用力敘稼穡於今勗厥遺

謂勉效得顯義義古儀字謂世封上公顯爵告期付于朕身謂夢中告武王

天以大子有不顯朕俾皇祖不得高位于上帝謂子未

環召之以配饗汝幼子庚厥心庶乃來庚續也囑周公接續我

於郊周公承武王遺囑營東都即用郊牛二一為稷牛尊以

配天乃作此篇序其功德為配天之樂歌襲紀年及度邑解為之

厥初生民民音緇雙聲時維姜嫄時依爾雅讀作寔生民如何克禋克

毛詩復古錄卷九

祀禮韻以弗無子履帝武敏歆爾雅引無歆字韓詩作武敏誤鄭訓敏為悔攸

介攸止止韻載震載夙載生載育時維后稷時音寔誕彌

厥月先生如達鄭改達作卒從說文不圻不副副讀入聲韻圻無蕃無害害

字韻籥以赫厥靈上帝不廋不康禋祀居然生子○誕真之

隘巷巷古讀作御音宏牛羊腓字之字韻誕寘之平林林古讀同

會伐平林誕寘之寒冰鳥覆翼之翼韻鳥乃去矣后稷呱

矣呱音孤實覃實訐訐韻厥聲載路截此二句屬上章令十句一章相間

為亦法文義亦合○誕實匍匐匍匐即扶服克岐克嶷說文嶷以就口

食蕝之苾苾近刻藝作藝苾苾旆旆禾役穰穰說文穰以就口

檬檬瓜瓞嗷嗷說文作莩○誕后稷之穡有相之道弗厭豐

草釋文弗韓詩作拂種之黃茂實方實苞實種實稂實實實實實實

實好實穎實粟

粟韻

卽有邨家室

呂覽注水經注及說文並卽字

○誕

降嘉種

種韻

維秬維秠

山海經秬作苽

維糜維芑

爾雅說文糜並作麩音門

恆

之秬秠是穫是畝

畝音

恆之糜芑是任是負

負願音

以歸

肇祀○誕我祀如何或春或榆

說文榆作省一作或籛或蹂作說鄭作抗

或籛或蹂

釋之浚浚

釋從米唐石經作釋說爾雅作浚浚郭注引作浚浚

之浮浮爾雅作浮

同載謀載惟取蕭祭脂取羝以軼載燔載烈

烈古音厲

以興嗣

歲○叩盛于豆于豆于登

登卽儀禮登字俗書作登

其香始升上帝居

歆

歆音

胡臭亶時后稷肇祀

小戴引作兆祀安

庶無罪悔以迄于

今

歆與歆韻

據山海經帝俊爲炎黃二帝之祖據國語姬姓爲黃帝

之裔姜姓爲炎帝之裔堯以高辛爲祖姜嫄與堯父同

毛詩復古錄卷九

二

時然則嫫所履之帝武必黃帝裔有爲諸侯者其子孫

尊之爲帝耳非帝馨妃明甚厥初生民十句海內經云

炎帝之裔有鼓延及呂氏春秋謂鼓延爲舜樂工及卽

堯典之及能鑄樂器者皆后稷舅家也爾雅引履帝武

敏武訓述敏訓拇謂履帝步武之足迹不必指巨指述

言無歆字朱子以歆字屬下句亦未協韓詩作武畝畝

乃敏字之譌歆字是衍文攸介攸止亦見甫田篇不得

解爲感動姜嫄謂民之初生實維姜氏名嫄能禋能祀

以祓除無子求有子步帝武跡以享神所介而助祭所

止而待事則震動則早胎則生出則養乳寔維后稷履

大人跡之說頗怪誕不可從所以疑而棄之者因孕踰

常期也初疑之旋即收之非無夫生子也○誕彌厥月
八句誕與延古通如書乃諺既誕夏侯書作乃憲既延
施于條枚韓詩作延于條枚是誕應讀作延訓及訓移
謂及滿十二月始生一可疑首生如羊生之易二可疑
不圻不偪無災難無患害三可疑以赫然其靈應之速
上帝不安寧不康享其禋祀遂居然生子乎○誕寘之
隘巷十句戴氏震謂揣謂之腓牛羊寘之兩股間而乳
字之毛訓腓爲避誤謂移寘之狹巷牛羊以股間乳字
養之移寘之平林遇伐林人收之移寘之寒冰鳥以兩
翼覆承之父見其奇因親收之鳥乃去矣后稷呱矣實
長實訐其聲則大也爾雅訐路並訓大○誕實匍匐八

毛詩復古錄卷九

三

句匍匐與扶服古通岐謂跛其足疑謂屹然立謂及實
能匍匐漸能跛能立以就口自食其嬉戲也藝之荏菹荏
菹柿柿然長禾苗穠穠然好爾雅穠穠訓苗麻麥幪幪
然密瓜爬嗉嗉然多是自少性曉稼穡之證○誕后稷
之穡十句謂及后稷之教稼穡也有相助之道擇豐草
之沃土弗去其草種禾自然黃茂實能開田使方實令
其禾苞而茂實能播種得時實令其禾稔而長實能蔕
田發動之實令其吐秀實能壅本堅實之實令其穀好
始而實垂穎繼而實纘粟稟因就有邨之封娶姑姓女爲
家室世謂以其母家地封之誤說見路史○誕降嘉種
八句山海經謂豳縣爲廣都之野爰有膏菽膏稻膏黍

膏稷百穀自生是百穀之嘉種皆生於邠國舜乃命布此種於天下謂及承舜命降邠國之嘉種於天下秬爾雅訓黑黍秬爾雅訓一稔兩米糜爾雅作麩訓赤苗芑爾雅訓白苗皆今之粟恆卽互字謂縣互互是秬秠於是穫之於是按畝收之互是糜芑於是肩任之於是背負之以歸始祀報上帝生殖之功○誕我祀如何十句爾雅浚浚作溇溇訓漸浮浮作焯焯訓烝載訓行惟訓謀謂及我用后稷之元穀以祀也或以杵舂米或以手揄白或簸去其殼或蹂脫其皮淅之聲溇溇然烝之氣焯焯然行謀之行圖之取蕭合黍稷并腸脂焚之令香氣達於墻屋焉及行郊禮乘大路先取羝以馘於國門然後出郊取牲與柴則燔則烈春祈穀于上帝望興起繼歲皆豐稔○卬盛于豆八句爾雅卬訓我木豆謂之豆瓦豆謂之登謂我盛菹于豆盛羹于登乃焚柴令其香氣始升上帝居然歆饗之何其氣如此信得平時和然則后稷之配於郊兆而祀之爲有功當報敬遵前王之命庶無罪咎以至于今乃得有成爾雅兆訓域當依禮記引作兆祀方協

行葦四章章八句

原作七章二章章六句
五章章四句不合韻誤

周公作此爲王大射燕飲之樂歌其射以騶虞九節爲射節諸侯大射燕飲其射以貍首七節爲射節故此篇從彼苗者葭說起以爲興

敦彼行葦牛羊勿踐履履音禮方苞方體維葉泥泥戚戚兄

弟莫遠具爾爾為適或肆之筵或授之几几韻○肆筵設

席授几有緝御御訓迓讀入聲或獻或酢洗爵奠斝斝音原

說當音罍醢醢以薦或燔或炙炙音韻嘉殽脾臠臠音韻或歌或

嘏嘏音韻○敦弓既堅何休注作雕弓四鍬既鈞舍矢既均序

賓以賢敦弓既句東京賦作既挾四鍬四鍬如樹序賓以

不侮侮當讀同務曾孫維主酒醴維醕醕音柔酌以大斗

儀禮斗作料釋文云徐又音至以祈黃耆黃耆台背台爾雅作齡以引以翼壽

考維祺以介景福

敦彼行葦四句天子大射歌彼茁者葭為射節爾雅葭

訓蘆葭即葦其華謂之蘆敦本訓厚團聚叢生之貌謂

毛詩復古錄卷九

敦然彼道旁之葭葦欲其茁壯則牛羊勿踐履方能苞

茂方能成體葉泥泥然潤澤即騶虞之彼茁者葭也然

則大射當如文王之仁一發即止乃不暴殄天物戚戚

兄弟四句王稱贊禮諸官為兄弟從謙也謂戚戚關切

之兄弟莫遠俱近來與燕有陳之筵者有授之几者○

肆筵設席八句爾雅緝訓和御訓迓謂以袖振几三所

以和之接者則迓而受几迓入聲為逆與席韻據宣和

博古圖罍爵三足其足欵曲刻兕牛首形令人驚愕又

謂之兕觥名為罰爵當音罍儀禮八豆以韭菹醢醢為

首二豆舉一以賅其餘脾謂析脾析牲脾脂乾臠謂牲

喙上臠以牲脣為敬謂陳筵布席授尊者以几以袖緝

之賓逆受之行獻酬酢禮畢立司正洗爵奠斝爵于中庭薦醢醢八豆有燔肉有炙肝嘉穀有析脾有牲腍及射太師歌騶虞間若一或不歌徒擊鼓爲射節謂之罝學與罝韻○敦弓既堅八句天子彫弓以玉飾弭爾雅金鏃翦羽謂之鏃謂王所執之彫弓既堅勁四鏃矢參停中首尾不輕不重爲均王與上賓爲耦互發各一矢無疏數既均一序賓以能中爲賢及彫弓既設而再射既手挾四鏃四鏃矢注于侯如樹井字序賓以能應鼓節退讓王中處一尺謂之不侮○曾孫維主八句成王自稱曾孫見大射爲享祖擇與祭人而設與狸首稱曾孫同曾孫爲主人酒醴維取釀久味厚者酌酒于爵用大斗以祈飲此則壽老老至于飴背爾雅黃耆飴背皆訓老言不妨多飲以引之行以翼之立壽考維祥以助大福焉

毛詩復古錄卷九

六

狸首小雅不載附錄於此三章章八句

曾孫侯氏

此句爲唱首

今日泰射四正具舉

周禮王大射五正諸侯大射三

正四字疑誤

大夫君子凡以庶士小大莫處御于君所以燕

以射則燕則譽○質參既設

質榘質參參侯

執旌既載于侯既

亢

干即軒侯亢爲抗之省

中獲既置

中鹿中之屬獲記數善

弓既平張四侯

既良

侯爲鏃之省

決拾有常既順乃讓

順謂順羽取矢○乃揖乃讓

乃躋其堂乃節其行既志乃張

志謂先目顧侯

射夫命射射者

之聲獲者之旌既獲則莫

莫誰獲

既醉八章章四句

王者祭之明日則燕尸夏曰復昨

爾雅近刻作復昨誤

商曰彤

音彤尋近讀同融讀周曰繹燕尸畢尸嘏主人歌此為樂章○下冕

鷺篇為謝尸嘏辭假樂篇為上養嘏主人似為三調因

未有確據姑記于此

既醉以酒既飽以德君子萬年介爾景福○既醉以酒爾

役既將君子萬年介爾昭明

明顧音芒

○昭明有融高朗令終

說文明作暋從左形右聲

令終有俶公尸嘉告○其告維何籩豆靜嘉

朋友攸攝攝以威儀

儀音俄

○威儀孔時

時音是

君子有孝子

孝子不匱永錫爾類○其類維何室家之壺君子萬年永

錫胙允○其允維何天被爾祿君子萬年景命有僕○其

毛詩復古錄卷九

七

僕維何釐爾女士釐爾女士從以孫子

既醉以酒首章爾雅介訓助醉以酒者謂尸醉主人之

後及嘏又酌爵以醉主人主人拜受左執爵遂啐酒飽

以德者謂取博黍稷以授主人是以祖宗之慈德飽主

人使主祭之君子眉壽萬年助爾大福○既醉以酒次

章爾嘏既將者將爾雅訓資與齋通謂取牢一切肝親

齋以授主人主人振祭齊之齊此則壽萬年助爾德性

昭明○昭明有融章爾雅昭訓光融訓長令訓善俶訓

作嘉訓美公尸毛謂天子以卿為尸白虎通引曾子曰

王者宗廟以卿為尸射以公為耦三公尊近天子親稽

首拜尸故不以公為尸說與毛合愚謂公尸者先公之

尸也尸服死者之上服如后稷爵本爲公太王王季文
王死時皆用上公服歛雖後追王尸仍服九命服若已
爲諸侯祖爲天子尸則從己用侯服此禮最圓通謂光
明又融長高壽明朗善其終善終又有振作盍聽公尸
之嘉告乎○其告維何章謂尸告爾所薦之籩豆皆潔
靜嘉美朋友所與助祭者攝理祭事各有威儀○威儀
孔時章凡祭必令嗣子舉尸前奠爵故闕及之謂禮儀
甚是宜乎君子有孝子孝子必長遠不窮匱天永賜爾
以善類矣○其類維何章爾雅宮中衙謂之壺錫訓界
允訓繼謂其類自室家之巷起萬年子孫相承繼叔向
引此解之曰壺也者廣裕人民之謂也與此合○其允

毛詩復古錄卷九

八

維何章僕謂相附屬者多人謂其世胄相繼如何天被
爾以世祿傳之萬年大命爲王又附屬者多人○其僕
維何章謂其附屬如何賜爾所娶女有土行者爲婦從
以多生賢孫子

鳧鷖五章章六句

尸嘏主人之後奏此爲樂章但所引爲興之水名皆在
西周或近先公葬處似文武時所作成王時亦襲用之
故列于此

鳧鷖在涇公尸來燕來寧爾酒旣清爾殽旣馨公尸燕飲
福祿來成○鳧鷖在沙公尸來燕來寧宜以多爲聲爾酒旣多
爾殽旣嘉公尸燕飲福祿來爲爲音○鳧鷖在渚公尸來

燕來處爾酒既湑爾殺伊脯公尸燕飲福祿來下○鳧鷖

在深公尸來燕來宗既燕于宗福祿攸降降古音公尸燕

飲福祿來崇○鳧鷖在暨暨漢人讀門古音公尸來止應讀作文雙聲燕

說文引

燕燕作醺醺旨酒欣欣燔炙芬芬公尸燕飲無有後艱艱讀

鳧鷖在涇爾雅鵙訓沉鳧謂鳧屬能沉水者與舒鳧異

鷖訓水鴉王后用其羽飾車見巾車職涇水出笄頭山

在西周西似取溯本尋源之義古立尸於葬後一日家

中虞祭引尸自墓反及送尸口所受之殺食亦送之墓

間埋之或上代先公多葬在涇暨等水各處故從此說

毛詩復古錄卷九

九

也公尸來燕來宜謂公尸來燕其魂魄亦隨之來安享

此酒殺矣爾酒既清四句謂醴酒既沛出清牲殺皆養

之牢有馨香之孝德宜乎公尸嘏汝神賜福祿來成就

爾矣○鳧鷖在沙章寰宇記有沙苑水與涇水合流當

卽此沙宜爾雅訓肴謂其肴嘉神以為宜為古讀同說

謂來訛動長養之與書平秩南訛同今文書作南為○

鳧鷖在渚章渚未詳脯列之遵者為乾脯列之俎者為

濡脯以所徹麋鹿肉為之○鳧鷖在深章深與峻通西

周有三峻深水所出來宗謂來燕于宗廟崇爾雅訓高

訓充○鳧鷖在暨章暨漢地志浩暨水東至允吾入涇

水孟康注俗呼為合門水灑水經注閭門河卽浩暨河

疊音門猶天壽冬今作天門冬應讀作文雙聲方合韻
熏熏說文作醺醺醉貌欣欣喜貌無有後艱謂子子孫
孫勿替引之不艱於嗣世澤長遠也

假樂四章章六句

古尸燕畢出廟門留賓養尸之餘上賓爲上養嘏主人
曰而主人受祭之福眉壽萬年保艾四方則奏此爲樂

章據儀禮少牢下篇訂之

假樂君子中庸引顯顯令德中庸引宜民宜人受祿于天

天音保右命之中庸引自天申之申韻○千祿百福朱本

子孫千億穆穆皇皇宜君宜王釋文宜一本並作且不愆不忘孟

引同文選注引懿作懿率由舊章○威儀抑抑德音秩秩秩以失爲

毛詩復古錄卷九

十

聲無怨無惡率由羣匹受福無疆四方之綱綱韻○之綱

之紀燕及朋友友願音以百辟卿士媚于天子不解于位釋文

匪作民之攸暨

假樂君子二句爾雅假訓嘉是二字古通憲訓法憲憲

又訓制法則顯訓光光令德不如作法法皆令德爲

安謂極美極樂者主祭之君子其所法法皆令德宜民

宜人四句爾雅右訓助與佑音義通謂宜于民人自受

祿于天尸傳神保助之意作嘏辭以命之必自天重申

以錫之矣○千祿百福章謂天申之以千年長祿百世

大福子孫千萬億年穆穆然敬皇皇然美皇皇宜爲君

穆穆宜爲王不愆過不忘棄循行前王之舊章指所制

祭禮言○威儀抑抑章爾雅抑抑訓密秩秩訓清謂禮儀抑抑然密詩歌秩秩然清無怨惡於鬼神從由羣臣輔助之受福萬年無有竟爲四方之綱領○之綱之紀章之是古通謂君是綱臣是紀燕尸並臺及助祭之賓友百辟及卿士皆順于天子不懈於見居之職位爲民之所取法也○以下三篇爲召康公作

公劉六章章十句

成王十九年王巡狩侯甸方岳侯甸者周公營東周東周地方六百里六六積得三十六同爲納總納經納結三服謂之甸服西周地方八百里八八積得六十四同爲小都大都二服謂之內諸侯服通東西周適得百同

毛詩復古錄卷九

十一

合爲邦畿千里時召康公從行巡至篤公所遷之幽卽漢之朝那在西周侯服內乃述當日遷幽一段故事爲成

王告之

襲紀年
衍之

篤公劉

篤與竺通當
讀作竹音

匪居匪康迺場迺疆迺積迺倉

孟子
引迺

作乃

迺裹餼糧于橐于囊思輯用光

孟子引輯
作戢妥

弓矢斯張

于戈戚揚爰方啟行○篤公劉于胥斯原既庶既繁既順

迺宣而無永嘆陟則在獻

原刻作囑釋文獻或作獻
獻即鮮字段本改作獻誤

在原何以舟之

舟當讀作
彫古通

維玉及瑤鞞琫容刀○篤公劉

逝彼百泉瞻彼溥原

溥與蒲
古通

迺陟南岡迺覲于京

京音
京

師之野

野願
音許

于時處處

時與
是通

于時廬旅于時言言于時語

語○篤公劉于京斯依瞻瞻濟濟俾筵俾几既登迺依迺

造其曹執豕于牢酌之用飽食之飲之君之宗之宗尊古通尊古

讀同適與君韻○篤公劉既博既長既景迺岡相其陰陽觀其流

泉其軍三單單音度其隰原徹田為糧釋文糧本亦作糧度其夕

陽幽居允荒○篤公劉于豳斯館涉渭為亂取厲取碩原作

作鍛段本作段止基迺理爰眾爰有有韻以夾其皇間遡其過澗止

旅迺密芮翰之即原刻作鞠韓詩作芮隰鄭職方注引作芮坻

篤公劉篤地名公爵劉字山海經槐里之山竹水出焉

竹竺古音通竺篤同字篤公當殷湯時進封上公在槐

里近竹水故稱篤公自毛訓篤為厚而偽古文武成篇造

公劉克篤篤前烈之句人遂不能解此匪居匪康九句爾

雅康訓盜餼訓食戢訓聚輯訓和當依孟子作戢光訓

毛詩復古錄卷九

充孫本爾雅作光今本作桃謂篤公匪敢安匪敢寧乃

場而治其田疇乃疆而平其賦稅乃積于倉乃裹為糧

或橐或囊實聚之令用度充足備弓矢各器聿始教行

○于胥斯原九句爾雅胥訓相可食者曰原獻與鮮通

小山別大山曰鮮舟古周字與彫通謂篤公往相豳之

田原既庶眾既繁多既順適乃宣慰之爾可無長嘆矣

陞則在獻之高處復降在原之低處相度一番篤公所

佩何以彫之維玉及瑤簞上以琇下以玳即所佩之容

刀也○逝彼百泉九句寰宇記百泉縣涇水下引涇水

出縣西南涇谷隋因名其地為百泉縣即此百泉又靈

臺縣蒲川下引蒲水出南山蒲谷東北合細川水又東

北合且氏川水是蒲川卽詩溥水溥水之原卽蒲谷爲周禮弦蒲藪發源處南山卽詩南岡爾雅山脊曰岡京卽爾雅絕高謂之京時爾雅訓是謂篤公又往彼百京地徧視溥水之源乃升南山之脊乃觀于高京可作京師於是處此處於是廬爲旅於是言其言於是語其語疊字讀作兩音○于京斯依九句爾雅踰踰訓動濟濟訓止造應訓進曹應訓眾宗字不韻應作尊如尊發作宗彝之比尊讀爲遵如尊五美漢書作遵禮若有遵者卽若有尊者謂篤公於絕高之京斯依爲都諸臣踰踰然趨濟濟然立布筵授几篤公旣登堂乃憑几乃進其眾臣執豕于牢烹之酌酒用匏尙質或用食禮或用飲

毛詩復古錄卷九

三

酒禮或拜于堂下君之或燕于宗廟尊之尊讀爲遵雙聲○旣溥旣長一章爾雅溥訓大陰陽謂分出經緯會子天員篇引山書云東西爲經南北爲緯其軍三單謂就幽邑三鄉編爲三軍單讀爲殫使三軍調換三殫其力度步量也夏用八寸尺以六尺爲步步百爲畝般用九寸尺以八尺爲步步百爲畝周用十寸尺十尺爲步步百爲畝般之百畝止當周五十畝夏之百畝止當周二十五畝篤公則用周步折算通融計之什分收一般步百畝收其租五斛夏步百畝收其租二斛五斗謂之徹法爾雅山西曰夕陽謂幽地旣大旣長旣度日影正南北乃登高岡相其陰陽經緯觀其流水合處在何方

位其兵用上公制作三軍三殫其力又平排十指爲尺
十尺爲步謂之周步定爲什分收一以爲糧自山之西
西至涇水之源皆開鑿作田幽居倍乎其大矣此指其
積功累仁實政來○于幽斯館九句爾雅正絕流曰亂
寘宇記真寘縣大陵水下引水經注大陵水小陵水出
巡和南殊川西南逕寘陽城故詩曰夾其皇澗是大陵
小陵兩水夾住皇澗其上游爲過澗卽不窟故土漢地
志右扶風汧縣芻水出西北東入涇卽詩芻隄按鞠爾
雅訓窮謂芻水窮處與涇水合流篤公就兩水間爲都
卽漢宜祿縣城爲幽故國爾雅基訓經又訓設謂篤公
于幽立館舍仍南渡渭水取厲石磨刀取破石鍊鐵爲
農器所止經始處陳設乃整理聿眾聿有又開鑿皇澗
上溯于過澗所寄止之羈旅就耕者乃安靜因就芻水
盡處止而爲都爾雅密訓靜卽訓尼尼猶止也

河酌三章章六句

原作章五句

成王廿九年巡東周旬服至河南熒澤召康公從因就
熒水起輿作此以誨成王河卽熒字左傳衛懿公敗于
熒澤紀年作洞澤洞熒古音通一左隱三年風有采蘋
采蘋雖有行葦洞酌昭忠信也謂行潦雖濁以河水注
之則清猶繁蘋雖薄采而醴之則敬也一左襄廿八年
濟澤之阿行潦之蘋藻寘諸宗室季蘭尸之敬也濟澤
謂濟脈至河南湧出爲熒澤東南流經柯邱又名阿澤

亦指此篇言襲紀年

洞句酌彼行潦挹彼注茲可以餽饁餽爾雅作饋饁商頌

母韻鄭讀作豈弟君子民之父母音媚洞句酌彼行潦

挹彼注茲可以濯鬣豈弟君子民之攸歸○洞句酌彼行

潦挹彼注茲可以濯釋文既本或作概按當作豈弟君

子民之攸暨爾雅注引暨作

洞酌彼行潦毛讀洞同迴訓爲遠行潦隨處有之何必

遠酌乎不可通洞卽熒字乃濟服之最清者當截爲一

句挹彼注茲四句饒爾雅作饋訓稔謂飯熟則氣上奔

饒卽儀禮饔饗之饒指祭飯言爾雅訓酒食據下章濯

鬣濯概因兼及酒豈弟當依國語作愷悌訓樂易謂洞

毛詩復古錄卷九

五

水最清酌彼行潦之濁水先浙去米糠再挹彼洞水注

此再洗可以烝爲奉神之飯樂易之君子以強教之以

悅安之民卽仰之爲父母矣○可以濯鬣刻畫雲雷之

尊謂之鬣據古醴尊必先以元水三注于尊然後入醴

酒謂之浼清謂先洗以行潦再挹洞水三注于鬣可浼

醴酒以奉神見不必苛求此民之所以歸向樂近也○

旣與鬣作對文鬯人職祿專用概是貯鬯酒之漆尊名

概概者尊腰有橫帶如概也毛改作漑與濯字複誤暨

魯詩暨作咽訓息暨亦當訓息由歸而息暨從旣從土

謂民皆土著歸服於我喻寬待殷遺民正所以收服之

與召誥勸成王寬待殷獻同意

卷阿十章六章章五句四章章六句

成王三十三年王游於卷阿召康公從特作此歌以彌

爾性為言嗣先公為祝一若王玉體甚弱其保護之勤

有形於詠歌者計十五歲即位至此年四十七再四年

而崩亦可見矣襲紀年為之

有卷者阿票風自南南戶音任豈弟君子來游來歌歌韻阿以

失其音○伴奂爾游矣優游爾休矣豈弟君子俾爾彌爾

性似先公酋矣正義本作酋近刻作適爾雅注引作嗣先公爾酋矣爾字衍○爾士宇

販章亦孔之厚矣厚顧音戶按古文作厚以土為聲豈弟君子俾爾彌爾

性百神爾士矣○爾受命長矣蕃祿爾康矣爾雅注引作破祿康矣

豈弟君子俾爾彌爾性純嘏爾常矣○有馮有翼有孝有

德以引以翼豈弟君子四方為則○駟駟昂昂爾雅作叩耶如

圭如璋令聞令望豈弟君子四方為綱○鳳皇于飛翾翾

其羽亦集矣止藹藹王多吉士維君子使媚于天子子韻使

○鳳皇于飛翾翾其羽亦傅于天天音身藹藹王多吉人維

君子命命顧音彌各反媚于庶人人韻命○鳳皇鳴矣于彼高岡梧

桐生矣于彼朝陽萋萋萋萋離離喈喈爾雅作嘒嘒離離韻萋萋韻萋○

君子之車既庶且多君子之馬既閑且馳馳音當作駝音訖矢詩不

多維以遂歌

有卷者阿卷音權卽陶邨大卷本紀作泰卷紀年作大

坰湯征昆吾時陳兵於此漢割屬熒陽名為權縣成王

游於卷阿卷阿二字相屬是大卷卽爾雅偏高之阿邨

游於卷阿卷阿二字相屬是大卷卽爾雅偏高之阿邨

爲榮水所經一都會勝境也票風自南爾雅迴風爲飄以南風回旋於卷阿比成王住蹕於此風古音王與南韻豈弟君子三句謂樂易發動之君子來游因之來歌以陳其音述已作歌之意○伴奂爾游矣章伴奂疊韻閒散貌優游疊韻暢適貌爾雅訓終性生也似爾雅作嗣訓繼先公謂文王壽九十七魯爾雅訓終謂伴奂爾此游矣優游爾此休矣使爾終爾之天年繼先公之高壽九十七矣○爾土宇畷章章土宇謂土地之版圖所覆也爾雅畷訓大謂爾土地所奄育之大圖章亦甚之厚矣俛爾滿爾生百神維爾所主矣○爾受命長矣章爾雅弗作祓訓福與魯詩合純嘏並訓大謂爾受命于

毛詩復古錄卷九

十七

天者長矣福祿爾宜矣使滿爾天年大福爾常享矣○有馮有翼章謂有馮依有燕翼爾有孝有德以引長以輔翼四方奉之爲法○顛顛昂昂章爾雅顛顛叩叩訓君之德叩爲昂之省好聲聞好品望四方奉之爲綱○鳳皇于飛章成王十八年鳳皇見於卷阿因述以爲興鳳古文作翯卽朋字百鳥隨之成羣又名爲鵬莊子寓言謂海鯤所化託爲別說誤爾雅集訓會諸藹藹萋萋爾雅訓臣盡力謂鳳皇往飛百鳥隨之羽聲翩翩然亦百鳥聿止猶藹藹然王多善士聽王使令順于天子盡其力○亦傳于天四句爾雅傳訓歷謂高飛則歷于天喻王歸西周多士亦遵王命而媚順于庶人○鳳皇鳴矣

章爾雅雖離作嘍訓和○君子之車章爾雅庶訓侈考
工記飾車欲侈謂飾車車耳反出坐之寬展謂車既侈
出且隨從數百乘馬既閑習且馳騁迅急陳詩不多維
以成此為游覽之歌○成王時詩止此以下忽接厲王
時詩至康王以後厲王以前何以無詩不可曉

民勞五章章十句

厲王罷任榮夷終

紀年作榮夷落

專利重斂國人謗王王命衛

巫監謗至道路以目於是國人叛厲王懼奔河東甌縣

共伯和間起入王朝秉政十四年頗干王位召穆公作

此述王意以告戒之

民亦勞止汙可小康

元帝紀引汙作迄

惠此中國以綏四方無縱

毛詩復古錄卷九

六

詭隨以謹無良式遏寇虐懼不畏明

左傳引懼作慘說文作瞽

柔遠能

邇

以定我王○民亦勞止汙可小休惠此中國

以為民速無縱詭隨以謹昏傲

釋文云說文作昏傲段氏云說文作昏傲

式遏

寇虐無俾民憂無棄爾勞以為王休○民亦勞止汙可小

息惠此京師以綏四國

國以或為聲

無縱詭隨以謹罔極式遏

寇虐無俾作慝敬順威儀以近有德○民亦勞止汙可小

愒惠此中國俾民憂泄無縱詭隨以謹醜厲式遏寇虐無

俾正敗戎雖小子而式宏大○民亦勞止汙可小安惠此

中國國無有殍無縱詭隨以謹纒纒

纒讀作州雙聲

式遏寇虐無

俾正反王欲玉女是用大諫

左傳荀子諫並作簡○按諫作簡猶衛風簡兮韓詩作東

比之

民亦勞止四句爾雅勞訓勤止訓定幾訓汔舊說謂幾同幾訓危愚謂幾卽剗字剗切之言爲危言井卦汔至亦未繙井未濟卦小狐汔濟皆爲危義小當讀作少謂當時之民亦賴汝共伯和勞來安定之危可少康矣宜加惠此中國輕其賦稅以安四方之人心無縱詭隨二句詭隨謂詭譎隨人意旨指助成桀夷重斂言謂無寬縱詭隨之小人以戒謹其不良者謹爾雅訓誥式遏寇虐二句寇虐指十四年獫狁侵宗周荆蠻淮夷侵略入寇虐害生民言曆爾雅訓會謂宜用武臣遏止寇虐可如當日會不畏明法至於縱寇乎柔遠能邇二句柔與採通謂宜馴採其遠國操練其近國以安靜我王可也

毛詩復古錄卷九

九

左昭廿年引民亦勞止四句曰施之以寬也引無縱詭隨四句曰糾之以猛也引柔遠能邇四句曰平之以和也解此最合○汔可小休章爾雅休訓息逖與爾雅鳩通訓聚古文書方鳩倂功今文作旁逖辱功謂不重斂使民有餘財昏傲謂擾亂政務之人無棄爾共伯之成勞以爲王之美式遏寇虐四句謂用兵遏止寇虐不至作惡敬慎爾爲臣之威儀親近有德之人謹守臣禮庶免干位之嫌○汔可小惕惕與爾雅慙通訓息俾民憂泄國人反叛懼討赦其罪則憂心解釋醜厲謂醜類暴厲式遏寇虐無俾正敗二句爾雅正訓督訓董司馬掌邦政又名大正指督兵之官正言謂用師遏止寇虐無

使官正至于敗北也戎雖小子二句春秋書法四夷雖
大曰子謂戎雖小子子國而用力虐民甚宏大不可不
急爲遏止○國無有殘謂待國人當從寬免死不得嚴
刑殘害之以謹繮綬左昭廿五年繩綬從公謂纏繞不
撒手正詭隨惡態無俾正反謂無使掌兵柄之官正領
兵追寇至半途而反如虢公長父所爲也見紀年王欲
玉成共伯汝用是天諫之後宣王中興共伯逍遙歸共
山之首終其天年此詩之力也

板八章章八句

太子晉謂厲王革典謂革去舊章別立新法其一在嚴
刑以軍法施於平民其二在重斂什分取二諸侯之貢

毛詩復古錄卷九

三

重其三在關市之征煩瑣苛刻按穆王周禮此三職皆
經厲王時所改作附入不盡其原文當時罷用理財者
獨少年榮夷終一人紀年作榮夷落最失者不愛惜太子使之
監政幾爲國人所殺凡伯特作此以誡之

上帝板板

爾雅板作版

下民則瘳

釋文瘳本又作瘳縮衣注引作瘳

出話不然

爲猶不遠靡聖管管

爾雅管作瘳廣韻引作息

不實于亶猶之未遠是

用大諫○天之方難無然憲憲天之方蹶無然泄泄

孟子同說

文一作咄

辭之輯矣

民之洽矣辭之釋矣民之莫矣○我

雖異事及爾同寮

釋文寮作僚

我卽爾謀聽我囂囂我言維服

勿以爲笑先民有言詢于芻蕘○天之方虐無言讒謹老

夫灌灌

爾雅灌作灌

小子躑躑匪我言耄爾用憂譖多將煽煽

爾雅作 不可救藥○天之方濟無爲兮毗威儀卒迷善人

載尸民之方殿屎一作懸脈說則莫我敢葵喪亂蔑資會

莫惠我師○天之牖民韓詩外傳如堦如麓如璋如圭如

取如攜攜無曰益厲民孔易民之多僻無自立辟○介人

維藩說文引大師維垣鄭大音大邦維屏大宗維翰懷德

維靈宗子維城無俾城壞無獨斯畏○敬天之怒無敢戲

豫敬天之渝無敢馳驅上渝若讀作倫昊天曰明明明顧及

爾出王王古文作昊天曰旦及爾游羨近刻羨

上帝板板二句爾雅帝訓君板板作版版訓僻謂王改

革舊典立法偏僻癩爾雅作瘡訓病謂君立法偏僻下

民則病矣出話不然二句爾雅話訓言訓猷猶爾雅作

猷訓謀謂君上出話而民不以為然為謀必不能遠行

因拂人之性也匪聖管管四句爾雅管管作瘡瘡訓病

謂煩言疲罷之病亶訓誠謂我匪聖而瘡瘡言之不實

出於誠心乎見謀之未可遠行是用此作大諫之○天之

方難四句爾雅天訓君難訓阻訓艱謂欲阻難下民蹶

訓動謂欲變法憲洩洩訓制法則孟子作泄泄訓沓

沓謂議論沸騰謂君之方困難下民臣無得然之多作

條例君之方變動舊章臣無得然之別生議論辭之輯

矣四句爾雅輯訓協訓合釋作懌訓樂訓服莫作嘆卽

謨字訓定謂辭之協于民心民由是浹洽矣辭之樂于

民心民由是奉為謨而安定矣○我雖異事章爾雅察

民

民

訓官囂囂與敖敖通訓傲當依孟子訓陳說之貌謂我雖所職異事及爾是同官我就爾講聽我置囂陳說之我言維宜從事勿以爲可笑也先民不有言當下詢于樵夫乎○天之方虐章爾雅諛諛諂諂諂諂謂君方暴虐無得作權權訓憂無告躑躑訓僑諛訓戲謂君方暴虐無得然其諛諛讒慝者我老夫權權然憂之告汝榮夷爲執政小子躑躑然僑媢不聽匪我言已老耄也爾用可憂之事爲戲諛多將諂諂然讒慝起不可救療矣○天之方憺四句爾雅憺訓怒謂醉而齊色之怒夸毗爾雅訓體柔善與膳通爾雅尸訓陳謂君方醉怒無爲體柔屈從之王燕飲之威儀盡逃膳夫爲主人則當代爲陳

毛詩復古錄卷九

三

布之民之方殿屎四句爾雅殿屎訓呻蔡訓揆資訓財師訓人謂使衛巫監謗民今方呻吟不出聲則謂莫我敢揆而叛亂乎喪亂復遭重斂至無以安生曾莫加惠於我人可乎○天之牖民章謂君之開導民也如墮籠之相和應如璋圭之執爲信謹依乎舊制自取攜如意無曰益增多則誘民甚可移易也民之多偏僻斷不宜自立法以禁制之○价人維藩章价人謂在內宿衛甲士大師謂在外屯聚之師旅不當扣滅其廩餉大邦謂畿內大國之諸侯大宗謂大門宗子指世卿之家言不當責其重責使懷我之德方獲安孟此四等皆國人也王之世子爲宗子恃此四等人作杆城無使國人不服至于

城壞獨自孤立斯可畏矣奈何爲榮夷終所惑令太子
監政務乎後國人叛太子靖逃入召穆公宮國人圍之
穆公以己子爲太子代太子死○敬天之怒四句爾雅
淪訓變謂君之暴怒卽天之暴怒無敢視爲戲豫致君愈
妄殺人君之變動卽天之變動無敢聽其馳驅致君愈
峻法昊天曰明四句王古文作崑卽往字之省謂昊天
聿明爾百官所出往無不見昊天聿旦爾百官所游衍
無不知縱逃人禍必有天刑逢君之惡罪不可逭也

毛詩復古錄卷九

三

燕不昧蠹人胸...
幸明爾百官所出...
刺古昊天曰明...
商餘人君之變...
會而變爾君之...
穆公以己子爲...
風蕭蕭乎...
長孫宣崇編校
會孫錫疇等覆校

毛詩復古錄卷之十

吳川吳懋清迴溪著

蕩八章章八句

召穆公虎傷周室大壞見厲王暴虐與殷紂同因託之

文王諫紂言雖激切聞者動心其用意微而婉如此

蕩蕩上帝

爾雅作盪

下民之辟疾威上帝其命多辟命音問近刻僻作辟天

生烝民其命匪誑

韓詩作說說文作忱

靡不有初鮮克有終諶韻轉終猶駟鐵篇

中韻

○文王曰咨咨女殷商

商韻

曾是疆禦與強曾是掎克

定本作

曾是位曾是服音旬

天降涇德近刻涇

女與是力

○文王曰咨咨女殷商而秉義類彊禦多愆流言以對寇

攘式內侯作侯祝作讀作詛祝讀作詛靡屆靡究○文王曰咨咨女

毛詩復古錄卷十

殷商女魚休于中國斂怨以為德不明爾德時無背無側

韓詩時作以漢志引作呂亡背亡仄

爾德不明以無陪無卿

漢志作呂亡陪亡卿

○文

王曰咨咨女殷商天不洎爾以酒不義從式式音試既愆爾

止靡明靡晦式號式呼

釋文崔本作評

卑晝作夜夜韻音豫

○文王曰

咨咨女殷商如蜩如螗如沸如羹小大近喪人尚乎由行

丙鼻于中國

說文鼻作鼻張衡賦作鼻左思賦作鼻

覃及鬼方○文王曰

咨咨女殷商匪上帝不時殷不用舊

舊與久古通久音几與時聽平

雖無

老成人尚有典刑

人字屬下讀與人尚乎由行句法同

曾是莫聽聽平聲

大命

以傾○文王曰咨咨女殷商人亦有言顛沛之揭枝未有

害近刻枝下有葉字安

本實先撥殷鑒不遠在夏后之世世韻害

蕩蕩上帝四句爾雅蕩蕩作盪盪訓僻帝辟並訓君謂

盪盪然更革成法之上帝卽下民之君也暴疾作威之
帝其命令多偏僻天生烝民四句爾雅烝訓君謹訓信
克訓能謂天生爲君爲民其命匪可信靡不有初鮮能
有終上下易位者有之○文王曰咨章咨爾雅訓嗟嘆
息聲彊禦謂強暴嚴刑之臣培克謂貪婪重斂之臣彊
禦在位卽立政惟羞刑暴德之人同于厥政也謂文王嘆
服卽立政乃惟庶習泆德之人同于厥政也謂文王嘆
紂曰嗟嗟嘆汝殷商會用是強暴培克兩種人會用是
在職在事天降生此滔漫之人汝興起彼實力任之○
而秉義類六句而爾義通爾雅秉訓執類善也對爾雅
訓怨屆訓極究訓窮謂爾秉執義理善類彊禦之臣欲

王詩復古錄卷十

禁制國人多生怨懟揄流言以對汝謂之誹謗寇攘民
財者用事於內民維詛維說靡極靡窮安能禁止○女
包佻于中國六句包佻一說作狍獠謂惡獸聲但二字
從火當指炮烙之刑言王氏引之訓明爲勉爾雅孟訓
勉大戴孟訓明孟津卽盟津音義並通謂汝包佻于中
國方三千里斂民怨以爲事不勉爾德是無在背在側
者爾德不勉以無爲陪貳無爲卿佐者斥所任皆非人
○天不洎爾以酒六句爾雅式訓試古通號訓評謂天
不酌爾以酒也明知其不義從而試爲之用燕喪威儀
旣愆爾容止靡朝靡暮用號用呼以晝爲夜長在醉鄉
○如蜩如螗六句蜩爾雅有蜩螗有螗蜩翼毛謂不醉

而怒謂之曩未詳所出當訓怒目相見鬼方鬼古音九
鬼俟爲紂所殺後武王率彭濮之兵伐紂卽鬼俟國人
謂如蜩蟬如沸羹之聲號呼醉聲文王伐豐崇等國小
大邦罔不以酒喪國人尙罔非酒惟行內見怒於中國
遠見惡於鬼方後武王數紂之罪以告諸侯曰紂爲天
下逋逃主萃淵藪故夫致死焉指此事言○匪上帝不
時六句謂非上帝不時時昏殷也殷拂其舊有位人棄
之不用然人尙有典刑可守至末年殷其典刑盡喪民
敢奪祀天之牲牢亦置不問大命用以傾矣以刑韻成
與上章以行韻喪同○人亦有言六句謂人亦有云大
木顛仆倒拔根已揭出枝葉雖未害本已先撥殷紂當

毛詩復古錄卷十

三

以夏桀爲監我王亦當以殷紂爲監○以下插入抑篇
爲平王時詩毛謂此篇及賓筵篇皆作於厲王時因移
其篇次列於厲王時誤

抑十二章三章章八句九章章十句

據紀年宣王十六年衛武公卽位時年四十一及年將
近髦作白圭篇託爲羣臣戒已之辭以質爾民人至不
可爲也爲首章共八章常令人諷誦於其側以自儆及
年八十三以兵護送平王於東都見平王及百官皆湛
於酒乃將此篇加作四章列於首改名懿戒進之王朝
以戒王言雖慙直令讀者無所容其怒甚得溫柔之旨
毛序謂厲王時詩移列諸此誤

抑抑威儀

左傳抑作
鬱古通

維德之隅人亦有言靡哲不愚度人

之愚亦職維疾

疾韻

哲人之愚亦維斯戾

辰韻

○無競維

入四方其訓之有覺德行小戴引四國順之訐謨定命遠

猶辰告敬慎威儀維民之則○其在于今興迷亂于政顛

覆厥德荒蕪于酒

爾雅

女雖湛樂從弗念厥紹罔敷求

先王克共明刑

共與

○肆皇天弗尚

尚古音

讀同常如彼泉流

作流無淪胥以亡夙興夜寐洒掃廷內維民之章修爾車

馬弓矢戎兵

兵顧音

用戒戎作用邊蠻方○質爾民人

刻

誡

無不柔嘉白圭之玷

說文引

尚可磨也斯言之玷不可

爲也爲古音○無易由言無曰苟矣莫捫朕舌言不可逝

矣

逝讀折

無言不讐

韓詩讐作

無德不報惠于朋友

友顧

度民小子子孫繩繩

爾雅

萬民靡不承

釋文別本作萬

○視爾友君子輯柔爾顏不遺有愆相在爾室尚不媿于

屋漏

中庸引媿作

無曰不顯莫子云覲

毛訂本作莫

神之

格思不可度思矧可射思

射顧音

○辟爾爲德俾臧俾

嘉淑愼爾止不愆于儀

緇衣引愆作

不僭

不賊

釋文僭本

鮮不爲則投我以桃報之以李彼童而角

實虹小子

爾雅作虹名

○荏染柔木言緇之絲温温恭人

維德之基其維哲人告之話言

釋文說文引

語作詩今說

順德之行其維愚人覆謂我僭民各有心○於乎小子未

知臧否

否音

匪手攜之言示之事匪面命之言提其耳借

知臧否

匪手攜之言示之事匪面命之言提其耳借

知臧否

曰未知亦既抱子民之匪盈誰夙知而莫成莫本或作善○吳

天孔昭我生靡樂視爾夢夢我心懍懍近刻作慘慘謨爾諄諄

爾雅作聽我藐藐爾雅作迤迤匪用為教覆用為虐借曰未知

亦幸既耄○於乎小子告爾舊止聽用我謀度無大悔天

方艱難曰喪厥國國以或為聲取譬不遠昊天不忒回適其德

俾民大棘

抑抑威儀二句爾雅抑抑訓密國語稱此篇為懿戒古

讀懿同抑爾雅懿訓美謂威儀美且密亦通謂威儀為

德之廉隅方正不倚人亦有言六句爾雅職訓主辰訓

罪謂人亦有云無哲為酒所累而不愚常民之愚亦主

生病哲人之愚亦維因斯而獲罪○無競維人八句爾

毛詩復古錄卷十

五

雅競訓強維訓謀訐訓大覺爾雅作枯訓直與緇衣引

合謂無有強於作賢人四方奉為訓無有直於修德行

四國皆順從大謀以定其命令遠猷時常入告敬爾威

儀謀為民之法則○其在于今章爾雅迷訓惑湛爾雅

作妣訓樂紹訓繼共爾雅作拱訓執刑訓法謂在東周

今日興起迷酒亂于政倒仆其德荒妣于酒汝雖妣此

樂從之飲弗念其繼紹前業罔布求先王之典禮克拱

執乎明法耶此言深中平王之病○肆皇天弗尚章爾

雅肆訓今倫訓率尚常古通謂今皇天弗常眷周矣如

彼泉之流滔滔日下無率相與亡也當早起夜寐酒掃

外庭內室謀安民之章程修整爾車馬及弓矢戎兵用

警戒大戎而作用離邊繪申之蠻方正其滅西周之罪
眞苦口直言也下乃接以白圭自微之篇○質爾民人
章爾雅質訓成謂成就之爾託爲衛臣爾已也謂成就
爾民人敬爾爲侯之法度用戒不可度之虞慎爾出言
敬爾威儀無不當和美圭玷尙可磨作別器言玷則不
可譌動矣南容三復白圭指此以下八章言○無易由
言章爾雅由作繇訓於朕訓我讐作酬訓報繩繩訓戒
謂無易於言也無曰苟且矣莫持我舌者言不可縱矣
無好言及人人不酬無明德及人人不報惠愛于同朝
朋友下至庶民小子爾子孫皆愜愜然戒慎則萬民靡
不承其教者○視爾友君子章爾雅媿作媿訓慙謂視

毛詩復古錄卷十

六

爾友於君子之時和柔爾顏色然於不遠至近之地得
毋有愆乎有神相察爾室尙勿愧于屋漏無曰此處不
顯莫旋我見也神之至也不可度况可厭射乎邵氏晉
涵謂漏與陋通謂屋之隱暗處存之○辟爾爲德章爾
雅辟訓君臧淑並訓善嘉訓美不愆于儀左傳引作無
馭爾僞極安爾雅載訓僞僞又訓詐正爲此句作釋僞
訓差虹訓潰謂潰亂謂君爾爲德當使善使美善慎爾
容止無載爾詐僞不僭差不賊害罕不奉爲法猶贈我
以桃必當答以李彼云童殺應無角不知已有角實欺
爾好酒如童蒙小子耳○荏染柔木章荏染柔木謂桑
柘等木旋飼蠶引出其繒之絲可以成禮服猶温温恭

人爲積德之根基哲人告之善言則順德是行愚人反
謂我僭差人心不同如其面焉安能強合○於乎小子
章於乎卽嗚呼謂嗚呼小子未知善否匪特手攜之行
旋示之以事匪特面命之言旋提醒其耳假曰未知亦
已抱子爲人父矣民之匪自滿假者誰早已知之而晚
年始有成者乎○昊天孔昭章爾雅夢夢作僂僂訓僭
燥燥作慘慘訓愠諄諄作訕訕訓亂藐藐作邈邈訓悶
謂昊天已厭周甚顯矣我生此時靡當作樂視爾僂僂
然愔我心燥燥然愠誨爾訕訕然不明聽我邈邈然發
悶匪用我言爲教反用爲我苛刻假曰未知亦聿旣老
耄尙不知改悔乎○於乎小子末章謂於乎小子告爾
舊章之容止聽用我謀庶無大錯天運方艱難聿喪其
國取喻不遠昊天斷不差爽倘違戾其德使民大困急
亡可立待也言甚剴切當詢平王之辭毛序以爲刺厲
王誤

桑柔十六章八章章八句八章章六句

厲王元年命榮夷終爲卿士以專利重斂爲事國人謗
王八年命衛巫監謗苒伯良夫作誥戒百官于朝斥榮
夷終爲執政小子十二年國人叛王奔于彘苒伯復作
此篇痛斥其非彈刻飛章無踰此者與百官戒皆爲名
作

菀彼桑柔其下侯甸

爾雅注引甸作洵爾雅洵訓均

將采其劉

劉韻柔

煖此

下民不殄心憂憂謂劉會兄填兮

釋文兄本亦倬彼昊天

作况古通

身宜不我矜矜卽爾雅矜字

○四牡騤騤旃旒有翩亂生不夷靡

國不泯民靡有黎黎韻

具禍以燼段本燼作蓋誤於平有哀衣為

黎韻

國步斯頻○國步蔑資天不我將靡所止疑疑韻云

徂何往往韻

君子實維維韻秉心無競誰生厲階階韻至

今為梗梗韻

○憂心慙慙念我土宇我生不辰辰韻逢天

俾怒自西徂東靡所定處多我覲昏孔棘我圉鄭改圉

作禦誤

為謀為毖亂兄斯削告爾憂恤

墨子引作告女憂卹按恤可讀與毖韻

爾序爵墨子引作誨女子變

誰能執執墨子引逝不以濯

墨子引作解不用濯孟子引同毛其何能淑載胥及溺溺以弱

○如彼颯

風風古讀

亦孔之僂民有肅心心韻苒云不逮好是家嗇

毛詩復古錄卷十

八

近刻作隊陸段本依鄭作家嗇

力民代食家嗇維寶近刻作稼穡

代食維好○

天降喪亂滅我立王降此蠹賊家嗇卒瘁哀恫中國釋文

桐又

痛作具贅卒荒靡有旅力力韻以念穹蒼○維此惠君民人

所瞻人韻君瞻字作轉韻秉心宣猷心韻瞻猷字不韻考慎其相相平聲維彼

不順順韻自獨俾臧臧韻自有肺腸俾民卒狂○瞻彼中

林姓姓其鹿朋友已僭釋文僭又作僭不胥以穀人亦有言進退

維谷○維此聖人瞻言百里維彼愚人覆狂以喜匪言不

能胡斯畏忌賈山傳引

○維此良人弗求弗迪迪當讀維

彼忍心是顧是復民之貪亂宜為荼毒○太風有隧有空

大谷維彼良人作為式穀維彼不順征以中坻坻讀入太

風有隧負人敗類聽言則對誦言如醉匪用其良覆俾我

悖○嗟爾朋友友韻予豈不知而作如彼飛蟲時亦弋獲

既之陰女鄭讀陰為蔭誤反予來赫鄭以赫釋赫安○民之罔極職涼善

背涼毛訓薄從久鄭作諒應作涼為民不利如云不克民之回遘職競用

力○民之未戾職盜為寇涼曰不可涼應從水作涼覆背善詈雖

曰匪子既作爾歌

菀彼桑柔二句正義引爾雅旬訓均今本爾雅洵訓均

又訓龕龕猶蓋也爾雅注引魯詩亦作洵謂鬱然茂者

彼桑之柔條在其下者維均賴之為庇蔭見食貨為民

之命不可過取將采其劉六句爾雅毗劉訓暴燥毗爾

雅作毗訓厚劉訓殺瘼訓病倉兄兄為況之省猶云倉

皇填訓久與塵陳通倬訓大矜卽爾雅憐字謂重征厚

毛詩復古錄卷十 九

敏猶採取其葉暴燥之病此下民我不絕心憂倉皇不

安久矣大彼昊天宥不我民是憐耶○四牡騤騤章爾

雅夷作彝訓常黎訓眾亂指厲王十四年檢允淮夷並

入寇言燼指厲王廿二年大旱五年言謂國人之叛也

王駕馬騤騤然出奔旃旃翩然走送亂之生也不常民

無有多眾俱被寇旱盡為灰燼嗚呼有哀國運斯蹙矣

○國步蔑資章爾雅將訓資謂出路所齎之資斧維訓

圖心訓謀競訓強謂國步無資糧天不我齎送無所可

底戾云徂將何適乎君子實為國圖執謀必無與民競

爭利誰興亂階至今尚為梗於道路乎○憂心慙慙章

爾雅慙慙作殷殷訓憂不辰訓不時憚爾雅作亶訓厚

觀爾雅作遘訓見瘡作閔訓病圉訓垂謂邊陲謂憂心
慙慙然慮我土宇我生不時遇天厚怒自西周至東周
無一所安處西戎寇西周淮夷寇東周多於我見病甚
急我邊圉○爲謀爲筮章爾雅誌訓慎恤與謐通爾雅
作謐訓靜亦訓慎指作百官戒言載訓行胥訓相謂爲
汝謀爲汝慎亂之景況斯可除我作百官戒告爾民變
可憂宜謐慎誨爾序官爵勿受賄孰能以手執熱逝不
用水濯者其何能善更改則相與沉溺而已謂戒之不
聽○如彼遡風章爾雅優訓喏謂風中喉則於喏失聲
肅訓進莽作拊訓從逮與迨通訓及謂政逆民心如彼
逆風而行亦甚之啞不能張聲民本有進貢之心從云

貢不及己應好待是稼穡之民勞力爲力田之民爲爲
政者代勞苦出貢賦以食之稼穡維當寶重之代食者
維當好待之○天降喪亂章爾雅蝨賊訓食禾蟲痒訓
病恫訓病贅與綴通旅與膺通穹蒼訓蒼天謂天降喪
亂至王奔殯已滅我立王矣因旱復降此蝨賊稼穡盡
傷矣哀痛中國俱聯綴盡饑荒無有膺力能挽回與慮
穹蒼未知天意若何○維此惠君章爾雅惠訓順心訓
謀俾訓從臧訓善謂維此順人心之君爲民人所瞻仰
執謀宣猷詳考慎取其相與理政之人維彼不順之人
自獨信任從而臧之自有一副心腸使民不堪卒叛亂
至狂悖○瞻彼中林章謂視彼中林鹿被人逐性性然

走猶察友已僭差逐之不相教誨以善矣人亦有言進退維坎窞動則獲罪孰肯苦口諫止者○維此聖人章謂維此聖人瞻見百里之外思患豫防之維彼愚人反以狂悖之民爲喜言彼何能爲匪有言其不能禁止者何於斯有所畏忌而不激成大變耶○維此良人章爾雅迪訓進以由爲聲可讀同軸與覆韻復爾雅作腹訓厚謂維此善人不求不進貶斥之維彼殘忍人是顧是心腹厚待之民之貪亂者盍甘爲彼荼毒乎○太風有隧章爾雅西風謂之泰風謂揚沙捲葇之風征訓行謂泰風所行則有路因有窾空于大谷彼得而乘之維彼良人作爲用善令無隙可乘維彼不順人心者逆行以

中垢辱有隙可乘也○太風有隧次章謂太風之有路因貪人之敗其善類聽流言則舉以對指爲誹謗誦我戒百官之言則如醉不醒不用其良反使我民至於狂悖○嗟爾朋友章謂嘆爾察友子豈不知激變而作此戒乎如彼拚飛之蟲時亦爲弋所獲禍及身矣旣之陰告汝反謂子來嚇汝也○民之罔極章爾雅職訓主涼當作涼鄭讀作諒與亮通爾雅亮訓信克訓勝回古違字通卽術字猶道也謂民之叛亂無窮主於信任善反背之人其爲民不利如云不勝至民之違道主於競用力以禁之指監謗言○民之未戾章爾雅戾訓定謂民之未安定也因主使盜民財之人爲寇掠信曰不可復

爲反背其言而善於詈人謂人之讒言云然汝雖曰非
子罪是小人不聽令之過我既作爾歌以告之矣善背
爾者之過歟抑爾偏於信用之過歟

附錄百官戒于此可知古向察有相規諫之例不得據
毛序盡指爲刺王

芮伯若曰予小子良夫稽道謀告天子惟民父母致厥
道無遠不服無道左右臣妾乃違民歸于德德則民戴

否則民讐讐報也報以怨言茲言允効于前不遠商紂不道夏

桀之虐謂如桀之虐肆我家嗚呼惟爾天子嗣文武業惟

爾執政小子謂榮夷少年用事同先王之臣昏行口顧昏強也方圍是

弗字導王不若若順也專利作威佐亂進禍民將弗堪治亂

毛詩復古錄卷十

信乎其行惟王暨爾執政小子攸聞古人求多聞以監

戒不聞是惟弗知后除民害不惟民害害民乃非后惟

其讐非謗也讐報也后作類類善也后弗類民不知后惟其怨民

至億兆后一而已寡不敵眾后其危哉嗚呼口口口如

之據孔晁注是義玄前亦如之三字闕今爾執政小子惟以貪諛爲事不

勲德以備難下民胥怨財力單竭單古碑字手足靡措弗堪

戴上不其亂而以予小子良夫觀天下有土之君厥德

不遠固有代德時爲王之患其惟國人嗚呼惟爾執政

朋友小子其惟洗爾心改爾行克憂往愆以保爾居爾

乃曠禍翫哉遂弗峻子未知王之所定矧乃口口小子二字

惟禍發于人之攸忽于人之攸輕口不存焉慮字變之攸

伏爾執政小子不圖善偷生苟安爵以賄成賢智箝口
小人鼓舌逃害要利並得厥求惟曰哀哉我聞曰以言
取人人飾其言以行取人人竭其行飾言無庸竭行有
成惟爾小子飾言事王實蕃有徒王貌受之終弗獲用
面相誣蒙及爾顛覆爾自謂有餘子謂爾弗足敬思以
德備乃禍難難至而悔悔將安及無曰子爲惟爾之禍
謂無曰子好爲此言
惟爾之自取其禍耳

雲漢八章章十句

厲王廿二年大旱至廿六年廬舍俱焚厲王崩召穆公
以子代太子靖死至是乃出而立之是爲宣王時共伯
和攝政十四年人心頗服仍未告退周大夫仍叔承宣
王旨代作此篇言大旱不止或天意在攝政者欲使我
遯乎共伯聞之知王有志興復効官而去歸共山之首

天遂大雨

倬彼雲漢

韓詩倬作勃與爾雅合
北堂書鈔引作對誤

昭回于天

天音

王曰於

乎何辜今之人天降喪亂饑饉薦臻靡神不舉靡愛斯牲

圭璧既卒宜莫我聽○早旣太甚緼隆蟲蟲

釋文定本作
藎本又作熅

韓詩作鬱爾雅蟲
作熅韓詩作炯

不殄禋祀自郊徂宮上下奠瘞靡神不

宗后稷不克上帝不臨

臨應讀作隆如臨
衡韓詩作隆衡

耗斃下土

耗宜丁我躬○早旣太甚則不可推兢兢業業如霆如雷

周餘黎民靡有孑遺昊天上帝則不我遺胡不相畏先祖

于摧

鄭改于摧作
吁唯訓嗟誤

○早旣太甚則不可沮

沮讀
同阻赫赫炎炎

云我無所大命近止靡瞻靡顧羣公先正則不我助父母

先祖胡寧忍子○早既太甚滌滌山川川音駟早魃為虐如

燠如焚韓詩燠作炎字書作焮釋文焚又作燠我心憚暑憂心如熏羣公先

正則不我聞昊天上帝寧俾我遯釋文遯本又作遂○早既太甚

匼勉畏去近刻匼作匼胡寧殛我以旱韓詩瘡作疹潛不知其故祈

年孔夙方社不莫昊天上帝則不我虞敬恭明祀近刻作明神

宜無悔怒○早既太甚散無友紀鞫哉庶正疚哉冢宰釋文

疚本或作穴又作究趣馬師氏膳夫左右右顧音以靡人不周周音主鄭改周作期

無不能止瞻仰昊天云如何里釋文本或作廕○瞻仰昊天釋文印本

或作仰下同有嘒其星大夫君子昭假無贏大命近止無棄爾

成何求為我為去聲以戾庶正瞻仰昊天曷惠其寧

毛詩復古錄卷十 十四

倬彼雲漢章爾雅倬作葑訓大昭訓光辜訓罪穀不熟

為饑萊不熟為饑薦作荐訓仍饑為荐臻訓至謂最大

者彼天之雲漢色陰闇則雨今光轉于天大旱之象嗣

王曰嗚呼何罪於今之人乎我先王上賓戎夷入寇天

降喪亂加以饑饉荐至大旱五年靡神不舉祀靡愛惜

斯牲圭璧既盡用以禱求乃莫我聽乎訓寧為乃王氏

引之說○早既太甚章爾雅蟲蟲作熾熾訓熏瘞訓幽

謂隱理之丁訓當謂早既過甚蘊熱熾熾然不絕禮祀

自郊徂壇墮宮上天下地及四方奠酒瘞璧靡神不統

祭于六宗一壇也歆入聲轉克臨雙聲轉隆隆降也或

后稷不克歆上帝不降臨至耗敗下土乃當我身乎○

則不可推九句爾雅兢兢訓戒業訓危此緊接上章
謂不可推委其責於人我兢兢然戒業業然危覺有如
霆如雷之威周所餘之眾民靡有孑然遺留者昊天
帝則不我遺矣胡不相畏先祖之祀于是摧挫斬絕耶
○則不可沮九句爾雅攸訓所說文攸作攸言水所趨
爲攸大命尙書大命不孽本紀作大命胡不至指爲天
子謂之受大命羣公先正謂上公及官正有功配享各
祀者謂早已太甚則不可沮止矣上天赫赫炎炎之威
或去我無處此當受大命者近之奈何靡瞻靡顧乎羣
公先正之神則不我助矣豈父母先祖胡乃忍與此亢
旱乎子讀上聲方合韻○條條山川九句山海經蚩尤

毛詩復古錄卷十

五

請風伯雨師縱大風雨黃帝乃下天女曰魃逐殺蚩尤
魃不得復上所居不雨叔均言之帝後置之赤水之北

謂徙之沙
漠之外

叔均乃爲田祖魃時亡之

謂禱田
祠則雨謂早已太

甚滌滌然山無木川無水旱魃肆虐如倏如焚我心如
熏羣公先正我屢祈之則不我聞矣昊天上帝乃欲使

我遜去耶此蘇子由說○匏勉畏去九句爾雅憯訓會

祈訓叫謂呼而告之虞與娛古通謂早已太甚匏勉從

事畏憊不敢擅去

亦蘇子
由說

胡乃病我以旱會不知其故

季春雩雨祈有年甚旱祭四方社稷在仲春亦不晚昊
天上帝則不我歡娛矣敬恭明神各祀應無招悔觸怒
方合情理○散無友紀九句爾雅里作瘞訓病謂早已

太甚我又居憂散無寮友經紀其事乎鞠窮哉眾官正
疾病哉大冢宰趣馬不以粟秣馬師氏弛兵不除道膳
夫徹膳左右侍御無采衣靡人不周到無諉於不能而
遂止者瞻仰如父者昊天云如何其病之耶○瞻仰昊
天章有疇其星謂星暗則雨光而有芒如彗則不雨謂
瞻仰昊天有彗芒者其星此亢旱之象也大夫君子各
官昭格竭誠無留餘受大命者近之當無棄爾十四年
秉政之成勞何求獨爲我一人以違眾官正乎瞻仰如
父者昊天曷順之而得其益耶據無棄爾成句與民勞
篇無棄爾勞同或此亦召穆所作方能詳盡如此姑依
毛序云仍叔作

毛詩復古錄卷十

六

崧高八章章八句

宣王七年錫申侯爲九命伯移封于謝作南服屏藩命

尹吉甫作歌以饒之襲紀年爲之

崧高維嶽間居篇引崧作嵩駿極于天天音身維嶽降神生甫及申

維申及甫維周之翰四國于蕃韓詩外傳引作藩四方于宣○疊

疊申伯王纘之事韓詩纘作踐于邑于謝路史引謝作序南國是式式音

王命召伯定申伯之宅登是南邦邦以丰世執其功○

王命申伯式是南邦因是謝人以作爾庸庸即庸之省韻邦王命

召伯徹申伯土田田古音讀陳王命傅御遷其私人○申伯之

功召伯是營有俶其城寢廟旣成旣成藐藐王錫申伯四

牡躑躑鈎纓濯濯○王遣申伯路車乘馬我圖爾居莫如

南土錫爾介圭爾雅郭注引以作爾寶往近王舅近刻

南土是保○申伯信邁王餞于郟申伯還南謝于誠歸王作近誤

命召伯傲申伯土疆以峙其粳式邁其行○申伯番番音

幅音既入于謝謝音徒御嘽嘽嘽音周邦咸喜喜韻戎有良

翰不顯申伯王之元舅文武是憲憲音岸○申伯之德柔

惠且直揉此萬邦聞于四國吉甫作誦其詩孔碩碩音為聲

其風肆好以贈申伯

崧高維嶽章爾雅山大而高曰崧申為許由之裔由原

居在潁陽潁發源中嶽穆王時為甫侯上蔡有郟亭繼

封申申在南陽府宛縣北繼移封謝謝在棘陽縣東北

百里有故謝城翰謂羽翰爾雅訓幹誤爾雅駿訓大極

毛詩復古錄卷十 七

訓至謂崧之高也維為中嶽大至于天維嶽降神氣生

甫侯繼生申侯惟申與甫維歷代為周之羽翰四國于

以屏藩四方于以宣政○疊疊申伯章爾雅疊疊訓勉

纘爾雅作纂訓繼又與踐通式訓試用也宅訓居登訓

成謂勉勉申伯王繼之使任事往邑於謝山南方是試

用之命召伯定其居成是南邦令世執其功○因是謝

人六句庸為曠之省城也謂因此謝邑人以作爾城命

召伯用徹法折算什分取一革重斂之政命傅近侍御

臣遷申伯之家私○申伯之功章爾雅傲訓作藐藐訓

美躋躋訓僑馬壯則氣驕謂又作其城寢廟已成藐藐

然美錫以金路鈎纓九就為九命上公濯濯然盛○錫

爾介圭四句爾雅珪大尺二寸謂之介圭若是命圭上
公桓圭九寸耳據考工記惟圭瓚一尺二寸謂賜以圭
瓚秬鬯近毛訓已讀同彼已之子已字按刀古其字與
近通夜如何其卽夜如何矣謂賜爾大圭瓚此九錫之
禮以作爾寶往矣王舅南土是以爾爲保障○申伯信
邁章爾雅再宿曰信邁訓行鄆鳳翔府鄆縣在渭水南
宣王都槐里申伯再宿至鄆則南行鄭不知宣王都此
謂王省岐周至鄆設土爾雅訓田謂所收土稅卽田稅
粳糧古通邁訓速謂申伯再宿至鄆則南行王親餞送
于鄆謝于是信可歸已先命召伯徹田爲糧一路有委
積用速其行○申伯番番章爾雅番番訓勇嘽嘽毛訓

毛詩復古錄卷十

六

喜樂當作嘽緩解嘽韻番喜韻謝謝古音序憲訓法音
岸謂申伯有番番之勇旣入于謝徒兵僕御皆嘽嘽然
樂周邦皆喜喜軍戎有良羽翼不愈顯申伯之勇乎王
之元舅文武皆奉之爲法○申伯之德章爾雅肆訓窕
窕訓閑謂申伯之德和柔慈惠且正直能馴揉此萬邦
名聞于四國吉甫作此使工誦之其詩甚美其風甚窕
好以贈申伯宣王初政特立其舅爲南方九命伯一則
輕諸侯之貢二則扞衛中國彈壓蠻荆皆大節目處

烝民八章章八句

自夷王烹齊哀公立哀弟靜爲胡公徙都薄姑遂漸微
弱及宣王七年當齊武公時聽太僕正樊穆仲之策移

齊都歸于臨淄封爲九命伯作東方保障亦命尹吉甫

作詩以送之龔紀年爲之

天生烝民有物有則民之秉彜好是懿德天監有周昭假

于下保茲天子生仲山甫○仲山甫之德柔嘉維則令儀

令色儀韻嘉色韻則小心翼翼古訓是式威儀是力天子是若明

命使賦賦字不韻○王命仲山甫命韻上命甫韻上賦式是百辟辟韻式繼

戎祖考王躬是保保韻考出納王命王之喉舌賦政于外四

方爰發發韻否○肅肅王命仲山甫將之邦國若否仲山甫

明之明韻音芒既明且哲哲爲音制以保其身夙夜匪解解爲音之

以事一人○人亦有言柔則茹之剛則吐之維仲山

甫甫韻吐柔亦不茹剛亦不吐不侮矜寡寡古音古韻吐不畏彊禦

毛詩復古錄卷十

九

御與御通○人亦有言德輶如毛民鮮克舉之我義圖之義古儀字

近刻維仲山甫舉之愛莫助之愛即愛之省助韻圖袞職有關維仲

山甫補之補韻助○仲山甫出祖祖韻甫接補字四牡業業征夫

捷捷每懷靡及及韻捷四牡彭彭八鸞鏘鏘王命仲山甫城

彼東方○四牡騤騤八鸞喈喈仲山甫徂齊式邁其歸吉

甫作誦穆如清風風古音王仲山甫永懷以慰其心

天生烝民爾雅烝訓君則訓法秉訓執彝訓常懿訓美

謂天生君民有物則有法民之執其常性自好是懿德

孔子讀詩至此亦歎美之天視有周昭至于下保護此

天子生樊穆仲字山甫其食采在河內樊邑○仲山甫

之德章爾雅柔訓安嘉令並訓善翼翼訓恭若訓順明

命使賦謂山甫爲太僕正天子明命之使齊侯賦徭役
築齊城賦字不韻○王命仲山甫章周書稱大僕正爲
正父正父登過過慎于武設備無虞兼統戎右諸職在
王朝則戒朝儀掌復逆出則傳王命於四方請王命山
甫作程式於是百辟繼統戎右如祖考時保護王躬出
納王命作王喉舌賦政役于外諸侯國四方爰發告使
行之○肅肅王命章爾雅肅肅訓恭將訓資資卽贄字
謂贄送到彼處○柔亦不茹二句謂柔者不欺其柔而
吞之剛者不欺其剛而吐之彊禦卽強圉謂暴戾大國
○德輶如毛七句爾雅輶訓輕義古儀字爾雅訓匹圖
訓訪訓度謂我欲比匹謀訪之山甫則舉之以告我言

毛詩復古錄卷十

二十

齊當加封愛卽爾雅夢字之省訓隱謂隱蔽莫肯助成
衮職服衮者君之職當日聽鄒侯之讒烹齊哀未免過
舉謂人則隱而不告不敢斥爲君職之闕維山甫告我
封齊補其過○仲山甫出祖章凡承命出使先謁己祖
廟而後行謂之出祖及至近郊則輶飲酒其側謂之輶
漢人合爲一誤業業捷捷皆急貌彭彭鏘鏘馬動鸞鳴
也城彼東方命齊侯爲東方九命伯令自薄姑徙還臨
淄○四牡騤騤章式遄其歸謂親祖齊者用速催其歸
故都也爾雅穆訓美謂美如清風之被物永懷之以安
其心樊穆仲亦中興之功臣當日勸宣王立國子魯懿
亦得爲政大體

韓奕六章章十二句

宣王四年王命戎僕蹶父如韓諭旨韓侯來朝王封為
北方九命伯以扞北陲并以婚姻之禮親成男女令姑
與姬聯昏取姑為吉人其生必蕃及其辭於周祖廟而
行娶于蹶里命內史餞送作是詩以贈之內有數句與

上篇同或亦言甫作漢紀年為之

奕奕梁山維禹甸之甸古文作陳有倬其道韓詩倬作韓侯

受命命顧音彌王親命之續戎祖考考謂無廢朕命夙夜

匪解解為懈虔共爾位位謂朕命不易鄭音亦榦不庭方

以佐戎辟○四牡奕奕奕韻孔修且張修韻壯張韓侯入

覲以其介圭入覲于王王韻王錫韓侯淑旂綬章簞茀錯

毛詩復古錄卷十

王

衡元衮赤舄鈎纓鏤錫鞞鞞淺幘釋文幘一作鞞王攸革

金厄石鼓文作鑿勒周鼎作攸勒傳古圖作攸革○韓侯出祖出宿于屠屠史

馮馮古顯父餞之清酒百壺其毅維何魚鼈鮮魚說文包其

菽維何說文菽作藟維筍及蒲說文作其贈維何乘馬路

車邊豆有且聲上侯氏燕胥○韓侯取妻汾王之甥蹶父之

子韓侯迎止止古于蹶之里百兩彭彭八鸞鏘鏘不顯其

光不當讀諸娣從之祁祁如雲韓侯顧之爛其盈門○蹶

父孔武靡國不到為韓姑相攸說文攸莫如韓樂樂文孔

樂韓土川澤訝訝魴鱣甫甫麀鹿嘯嘯有熊有羆有貓有

虎慶既令居韓姑燕譽○溥彼韓城燕師所完以先祖受

命因是百蠻今本是王錫韓侯其追其貆奄受北國因以

命因是百蠻今本是王錫韓侯其追其貆奄受北國因以

其伯實庸實獻實籍獻其貌皮

皮音

亦豹黃麗

麗音當

波音

奕奕梁山二句爾雅奕訓大梁山指陝西韓城縣西北首枕大河之梁山近說據水經注指直隸良鄉之梁山誤甸謂畿甸禹子帝啟封其第五子武觀於西河後孔甲后臯兩代以此爲都稱西邑夏是禹以梁山爲畿甸啟乃以此封其子弟也解治水爲甸誤有倬其道十句爾雅倬作蒞訓大韓詩作倬與倬通謂明且大爾雅廢訓皆虔訓固共爲供之省給也奉也榦築牆夾板也不庭方不來庭之方厲王貢重諸侯多不來庭也戎辟謂軍法凡爲九命伯得操大司馬九伐之權謂韓爲周之

毛詩復古錄卷十

三

子弟國又大其開導勸化之韓侯所以受命爲九命伯王親命之使繼軍功於祖考無替我命早暮不怠固供奉爾職位朕命以什一爲賦不得移易榦夾不來庭各方使歸順以佐王朝軍戎之法○四牡奕奕五句此介圭謂瑑圭長尺二寸見天子以爲贄據考工記諸侯聘上公用九寸瑑圭爲聘圭則覲天子當十二寸矣謂韓侯乘四牡奕奕然壯大甚高且肥入覲北面稽首于王以大圭爲贄王錫韓侯七句淑旂紱章爾雅纁帛繆素句陞龍於繆句練旒九句飾以組句維以縷謂用繆帛爲旗正幅其垂下之繆用素帛畫九陞龍于繆作練旒九條飾白錦邊以組維繆於正幅以縷是淑旂卽龍旂

綏垂也垂九綵爲章赤與白爲章謂纁赤素白卽章也
以竹簞爲車蔽以革交錯束衡繫於軻元端衣繡九龍
雲氣卷然以赤爲舄賜金路以鉤鉤其九就繫纓在馬
胸以去毛之鞮用朱飾之包車軾之環抱處爲鞞以淺
毛虎豹皮爲車幟搭于軾上其馬扣勒帶以鐐飾其勒
攸革爲鑿勒之省厄爲軛之省以金飾其馬頭之軛以
上皆上公九錫之禮○韓侯出祖十二句爾雅祖訓始
出祖謂始辭於槐里祖廟而出初出近郊宿于屠屠杜
二字古通馮翊有屠陽亭長安縣南有杜伯冢廟卽古
屠地顯父饑之周書顯父登德謂諸侯有功德賜命服
者內史掌之內史稱顯父猶大僕正稱正父將五醴沛

毛詩復古錄卷十

三

出清以備百壺包熟之鼈對鮮魚謂用生魚薄切去腥
血和以醢及韭爲膾也菽爾雅菜謂之菽指蘆荀竹筍
及深蒲周禮加豆之實有深蒲筍菹說文菽作餼指鼎
實言誤籩豆有且鄭訓且爲多按且當讀同旨且多之
且凡云且者繼辭也謂籩豆之外復有加籩加豆則籩
豆有多侯氏燕而相樂於此○韓侯取妻章厲王奔虢
近汾水稱汾王猶檀弓稱穀王姬之喪東周王城近穀
水稱穀王謂厲王女嫁蹇父蹇父女爲厲王甥女諸娣
謂嫁者之女娣及庶女弟祁爾雅訓徐顧謂韓侯下
車曲顧其親迎之車親開其車牽乃登車授綏導其妻
登車謂韓侯迎之于蹇氏之里巷百兩彭彭然八鸞鏘

鏘然不顯其禮儀之光乎諸娣爲媵者八人祁祁然徐
行如雲之從龍韓侯下車曲顧以導之見爛然盈於福
廟門○蹶父孔武章蹶父爲戎右後其子襲爲趣馬故
以甚武稱之姑蹶氏爲南燕之裔姑姓相攸說文攸作
攸謂水所趨爲攸謂爲其女相所歸之國無如韓可樂
其川澤訐訐然大魴鱖甫甫然扁而大麀鹿嘯嘯然羣
口相聚有熊爾雅熊虎醜其子狗絕有力麀有罷爾雅
罷如能黃白文有貓爾雅虎竊毛謂之號貓淺淺也竊
亦訓淺譽與豫通慶其女旣有善居韓妻姑氏安且逸
矣○溥彼韓城四句溥爾雅訓大燕師鄭訓燕爲安讀
去聲毛訓師爲衆近說據水經注指涿州之韓侯城及

毛詩復古錄卷十

五

北燕並誤據紀年成王十二年王師燕師城韓成王命
其母弟爲韓侯是南燕姑姓城之爲此娶姑姓女起窠
百蠻者左哀四年梁有蠻氏在晉陰地又稱九州之戎
九州卽鬼州謂楚鬼侯蠻遷此寰宇記謂梁縣有蠻中
聚爲蠻氏國謂大彼韓城本王師南燕師所築完者由
先祖成王時受命依是梁山蠻地而封之王錫韓侯八
句其追其貊毛訓戎狄國貊卽貉字卽北方九貉國墟
謂城墟壑爾雅隍訓壑謂城池畝籍謂計其畝數編爲
籍田不分公私借其力耕田什收其一貊皮爾雅貊白
狐其子毅謂王賜韓侯其追其貉各國皆在韓之北爾
奄撫有之爲北方九命伯實力修爾城池實力定爾賦

稅什分收一貢其半於朝在北狄者但納其皮貢獻諸王朝而已

江漢六章章八句

宣王六年召穆公率師伐淮夷王率師伐徐戎皇父休父從王伐徐戎次于淮王歸自伐徐錫召穆公命是兩軍一時並出召虎師由江漢上流下截淮夷之南王師由淮濱下截淮夷之北願稱藩歸貢卽下詔班師以功封召虎爲中州九命上公及策封之日吉甫作此以序其功

龔紀年衍之

江漢浮浮

風俗通引作江漢陶陶陶與滔古通此應作滔滔

武夫滔滔

此當作武夫浮浮王

氏引匪安匪游淮夷來求旣出我車旣設我旗匪安匪舒

毛詩復古錄卷十

三五

淮夷來鋪○江漢湯湯武夫泚泚

釋文泚一作橫鹽鐵論引作橫

經營

四方告成于王四方旣平王國庶定時靡有爭王心則壹則本或作載○江漢之漘王命召虎式辟四方徹我疆土匪狄

匪棘王國來極于疆于理至于南海○王命召虎來旬來

宣

爾雅旬作洵鄭改作營誤文武受命召公維翰無曰予小子召公是

似肇敏戎公用錫爾祉○釐爾圭瓚秬鬯一卣自讀以雙聲韻上祉

告于文人錫山土田

田音陳

于周受命

命顧音彌各反

自召祖命虎

拜稽首天子萬年

命年韻

○虎拜稽首對揚王休作召公考

天子萬壽明明天子令聞不已矢其文德小戴引矢作弛洽此四

國

江漢浮浮武夫滔滔四句風俗通引作江漢陶陶楚辭

滔滔孟夏兮屈原傳作陶陶是滔滔古通論語滔滔者
世家作悠悠者滔滔讀悠悠爾雅悠悠訓思此訓水長
爾雅浮浮作焯焯訓烝此訓勇氣謂乘江漢水滔滔然
下武將浮浮然盛匪敢康匪敢游特到淮夷來求問其
何故厲王三年敢侵洛邑既出我車四句鋪與敷通手
訓病以爾雅痛字釋之誤謂既出我兵車既建我朱雀
旗匪敢安匪敢徐特到淮夷來敷其文告○江漢湯湯
四句泚泚爾雅訓武謂江漢湯湯然流武將泚泚然武
經營四方告成功于王四方既平四句爾雅平訓成謂
四方皆聽令政教行王所統南方國皆安時無有爭執
不順者王心則安矣○江漢之辭八句方明其作意爾

毛詩復古錄卷十

三

雅岸上曰澣式訓用謂江漢之北岸一帶命召虎用關
四方以什取一法徹我疆土因厲王貢重故不來朝如
此則匪病民匪急征凡王國皆來歸極往疆理之至于
揚州海○王命召虎八句爾雅甸一作甸訓徧毛傳依
之一作洵訓均均徧義並通謂來均賦稅爾雅宣訓徧
似與嗣通肇訓謀戎訓大公訓事社訓福謂命召虎來
均賦稅來徧宣布之當年文王武王受命召公奭維作
羽翰輔翼無曰朕小子能繼文武業汝虎能召康公是
繼謀速成大事業因用錫爾以福○釐爾圭瓚章釐與
賚通爾雅賚訓賜卣訓中尊文人謂康公爲召氏文德
之先人謂賜爾圭瓚秬鬯酒一卣用祭告于爾文德前

人錫山及土田于周家受天命自召祖康公已命爲上
公矣言及其祖虎拜稽首謝之祝天子萬年○虎拜稽
首八句爾雅對訓答訓遂休訓美考訓成矢訓弛弛與
施通謂虎拜稽首遂答場王之美意作祭召公之鼎彝
成刻天子萬壽四字以祝之勉勉天子合聞流傳萬世
陳其文德周洽於四方

常武六章章八句

取王奮厥武題篇王親征必建大
常故稱常武

宣王六年王率師親伐徐戎次于淮上徐舒二字古音
通謂舒鳩舒庸舒龍舒蓼舒鮑各戎國在淮水北者時
尹氏皇父爲元帥程伯休父爲司馬率六師一萬五千
人前行略示兵威羣舒懾服叩首請朝乃赦其罪班師

召穆公作此以紀武功

襲紀年
爲之

毛詩復古錄卷十

三七

赫赫明明王命卿士南仲大祖大師皇父整我六師以修

我戎

戎字不韻顧音欣韻父
按當音由雙聲與修韻

既敬既戒

夏官注引
敬作傲惠此南

國

國以或
爲聲

○王謂尹氏命程伯休父左右陳行戒我師旅

率彼淮浦省此徐土不留不處三事就緒○赫赫業業有

嚴天子

嚴韻
業

王舒保作

作古音傲
與舒韻

匪紹匪游徐方釋駟駟改

未協

震驚徐方如雷如霆徐方震驚○王奮厥武如震

如怒

釋文兩如字
一本並作而進

厥虎臣闞如虢虎鋪敦淮瀆

釋文韓
詩鋪作

敷

仍執醜虜

釋文仍本
或作坳

截彼淮浦王師之所○王旅嘽嘽

如飛如翰如江如漢如山之苞

苞以勺爲聲
勺卽勺字

如川之流

苞

縣縣翼翼不測不克濯征徐國

國韻

○王猶允塞

塞韻
上克

徐方既來來字不韻徐方既同天子之功四方既平徐方來庭

庭韻徐方不回同古違字王曰旋歸

赫赫明明章爾雅赫赫訓迅謂奮迅也明明訓察文王

時南宮仲爲尹氏之太祖次子南宮括封于偃師尹氏

邑其後裔爲皇父宣王時爲太師六師一師二千五百

人六師共一萬五千人爾雅惠訓順謂赫赫然奮明明

然察王命卿士太師南仲乃汝之太祖汝整我六師修

我戎兵既敬既戒將順省此南方淮水各國○王謂尹

氏章程伯食采於程卽畢程世爲周司馬南嶽重黎之

裔見國語爾雅率訓循左右訓助徐土徐音舒自薛至

安豐一帶戰國時號徐州謂王命尹氏使命司馬程伯

毛詩復古錄卷十

休父助陳行伍戒飭我師旅將循淮浦省徐土不逗留

不安處令司徒司馬司空所統之三事大夫理軍務皆

就緒○赫赫業業章爾雅赫赫訓迅業業訓危嚴作儼

訓承舒訓敘謂順次敘而布之紹訓繼釋騷騷訓動謂

絡繹騷動地方指厲王三年淮夷侵洛言鄭改繹作驛

訓驛站騷動誤爾雅震驚並訓懼謂赫赫然迅奮業業

然危懼有儼然之天子親來討罪也王舒布出師爲保

護地方而起五年時己非征儉允南伐荆蠻矣匪繼伐

匪來游爲徐方會騷擾洛邑特來震驚徐方使知兵威

之如雷如霆徐方自當震驚耳○王奮厥武章如而古

通此兩如字應作而虎臣領虎賁士之虎臣墟爾雅有

狡麕如號貓食虎豹疏謂狡麕合聲爲獅虓卽獅也鋪
敦淮瀆韓詩作敷敦鋪敷古通薛君章句敦訓迨極協
爾雅汝爲瀆謂汝水下流合瀆水入淮近說謂瀆卽山
海經大澗水毛謂瀆爲匪誤謂王奮其武而震而怒進
彼統虎賁之武臣猛闕如獅子如斑虎布兵迫逼淮瀆
二水間類仍執獲其醜類而虜之截住彼淮浦爲王師
進戰之所○王旅嘽嘽章嘽嘽當音殫從口謂兵馬殫
力震動之聲濯訓大謂王師嘽嘽然進戰其衝擊如飛
如翰其氣勢如江如漢其鎮靜如山之苞固其活動如
川水流行緜緜然長翼翼然輔不可測度不可克勝大
征乎徐國○王猶允塞章謂王所謀信乎充塞周到徐
方盡來迎徐方旣來同此天子親征之功四方旣成平
徐方願來庭歸貢徐方旣不違我天子之命王曰班師
旋歸宣王自元年減賦稅作兵車至五年北伐獫狁南
征荆蠻六年召穆公兵由江漢下令大江以南盡減賦
稅王親征大江北淮瀆之夷中興之業至此始成此編
詩之大節目○自此以下插入幽王時詩二篇編次頗
亂未必孔子手訂原本矣

瞻卬七章三章章十句四章章八句

袞神降生之事甚奇怪袞之二君化爲籠夏后請其殤
積而藏之三代不敢開與於南郊一奇厲王發而觀之
蔡流於庭不可除二奇王使婦人不幃而謀之化爲元

鼃幸昭注鼃或為駝蜥也

入于王府之童妾未斲而遭之既笄

而孕及產而棄之三奇適有槃弧箕服實亡周國之謠

宣王使人執鬻是器者是人見而憐之收而奔衰四奇

哀矜有獄納衰矧于幽王以鬻獄五奇史伯陽父言之

鑿鑿此篇亦詳述之毛謂凡伯作板篇之凡伯隔宣

王一世已四十六年未必是一人此篇起二句與雲漢

篇同或亦仍叔所作耶夔國語及紀年為之

瞻卬昊天切為仰之省則不我惠孔填不宥降此大厲邦靡有

定土民其瘵蠹賊蠹疾釋文上蠹字本又作晬靡有夷届罪罟不收

靡有夷瘵○人有土田田古音陳女反有之人有民人人韻女

覆奪之此宜無罪女反收之收韻彼宜有罪女覆說之說音

毛詩復古錄卷十

脫韻 ○哲夫成城哲婦傾城懿厥哲婦為梟為鴟婦有長

舌維厲之階亂靡降自天天與八韻生白婦人匪教匪誨時維

婦寺○鞠人忮忒僭始竟釋文潛本又作僭豈曰不極伊胡為

慝如賈三倍君子是識婦無公事休其蠶織○天何以刺

刺從束音整何神不富富方二反舍爾介狄狄與易古通謂蚘蜴蜴韻刺維予胥

忌忌韻富不弔不祥威儀不類人之云亡亡韻邦國殄

瘁○天之降罔維其優矣人之云亡心之憂矣天之降罔

維其幾矣人之云亡心之悲矣○薈沸檻泉維其深矣心

之憂矣宥自今矣不自我先不自我後藐藐昊天無不克

輦輦不韻讀作扣雙聲無忝皇祖式救爾後

瞻卬昊天十句爾雅惠訓愛察訓病食根蠹說文云古文作倅

食節賊謂瞻仰大天則不我周是愛矣地震山崩甚填
然有聲不宣降此大哉厲邦無有定止士民其病蚌賊
傷害人稼無有常不至法網羅織人罪無有常獲免者
○人有土田八句謂人有土田汝重斂反有之人有子
女汝鬻獄反奪之此宜無罪汝受賄反收拘之彼宜有
罪汝得賂反放脫之指褒姒入褒姒獲赦事○哲夫成
城十句爾雅有鳴鴉茅鴉怪鳴梟鳴數種皆殘忍啄食
其氣類者哲爾雅訓智謂哲夫用事保其國而成城哲
婦用事敗其國而傾城嘆彼哲婦爲梟爲鴉啄害其氣
類婦人有長舌利口維作惡之階亂非降自天也生自
婦人匪可教誨者是維婦女奄寺一流謂陰性人多毒

毛詩復古錄卷十

三

也○翰人伎忒八句爾雅翰訓窮訓究謂好瘦人過失
忒訓爽謂好窮究人之非起于伎刻生出差忒初以僭
踰起終至于背叛豈曰不極乎王反左袒之謂伊何能
爲惡不知讒申后得立妾爲后讒太子得立己子伯服
爲世子如賈人獲三倍之利君子應是識令婦人無得
干預公事休其蠶織方合情理○天何以刺八句刺音
螫傷害也富爾雅訓賑謂裨益於人介狄甲蟲名介狄
易古通如牧誓逃矣西土一作邊矣易牙古書多作狄
牙介易卽爾雅之蜥蜴國語化爲元龜韋注龜或爲蜃
元蜃卽爾雅蠃蜃一名蜥蜴一名守宮爾雅又云在水
者龜然則元龜是在水之龜字從龜元蜃是在山之蜃

蜴字當從虫爾雅子卽與字祥訓善謂天何以刺傷人
何神不是裨益人舍去爾介蜴遂入孕童妾維與以相
忌刻之衰媿乎不是善意不是禎祥其妖怪之威儀已
不類人之云實亡周國邦國必殄絕凋瘵矣○天之降
罔八句罔卽罔蝮之罔幾爾雅訓危謂天之降生此罔
蝮維其敗國有餘矣人之云周亡心是憂矣天之降生
此罔蝮維其危矣人之云周亡心是悲矣○齋沸檻泉
十句說文引采菽篇作濫泉與爾雅濫泉正出合此當
作檻泉爾雅齋訓盞郭注謂漉漉出涎沫爾雅藐藐作
邈邈訓罔謂龍齋藏於櫃外有櫃監之謂之檻及發而
觀之其齋齋沸漉漉然由櫃檻涌出如泉維其深不可
曉矣心是憂矣益自今日矣不自我先後適遭遇之邈
邈然發悶之大天無不能挽回今固者欲無辱於皇祖
用救起爾後嗣收回宜白復申后位則可挽轉矣此篇
指陳剴切合當日事蹟瞭如指掌與國語合定爲幽王

時詩

召旻七章五章章五句二章章七句

原作四章章五句三章章七句

旻天疾威句與小雅同因補
有如召公召字訓爲召旻

幽王時法網羅于外婦寺亂於內滿朝皆素食無供職
者諸侯不納貢無朝夕者作此痛斥之毛謂凡伯作不
可信首句與小旻同又云我位孔貶或史伯陽父所作
太史爲命大夫故云我位孔貶也

旻天疾威天篤降喪瘕我饑饉韓詩瘕作疹民卒流亡我居圍

卒荒○天降罪罟蝨賊內訌訌與昏椽靡共昏與闇通潰

潰回適實靖夷我邦邦以丰為聲○皋皋訛訛會不知其玷兢

兢業業孔填不宣我位孔貶○如彼歲旱草不潰茂如彼

棲直我相此邦無不潰止此章不韻○維昔之富不如時原作兩句

今作一句維今之疚不如茲原作兩句今作一句釋文疚本或作欠疚顧音几與富韻

彼疏斯痺胡不自替職兄斯引引字不韻○池之竭矣不云自

灑灑今刻作頻鄭作灑灑灑韻上引字泉之竭矣不云自中溥斯害矣職兄

斯宏不裁我躬○昔先王受命有如召公日辟國百里今

也日蹙國百里於乎哀哉哀音溜維今之人不尙有舊舊久古通

久音几與哉韻

毛詩復古錄卷十

旻天疾威五句上天字依爾雅訓君篤訓厚圉訓垂謂

憐愛人之君疾張其威嚴刑厚斂因觸怒于天天厚降

喪亂害我以饑饉民盡流亡我所居及邊圉盡凶荒○

天降罪罟五句爾雅天訓君蝨賊指褒妣言訌爾雅作

虹訓潰此從言指讒言言昏椽謂守闇椽陰之奄人爾

雅靖訓謀謂君降下罪網羅織罪人褒妣如蟲在內以

讒言潰亂之奄寺為所使無供職者潰潰然違冥實謀

傷害我邦○皋皋訛訛五句毛詩與爾雅異爾雅

皋皋訓刺素食訛訛訓莫供職兢兢訓戒業業訓危謂

皋皋然如虎聲空食俸訛訛然如蠅營不供職曾不知

其缺我則兢兢業業見天變甚震不宣我在下位甚卑

貶不能諫止○如彼歲旱五句謂厚斂取民如彼歲旱
草之茂必枯矣草不潰其茂者如彼棲于水面之菹我
相此邦將來水上菹亦枯無不潰之者○爾雅替訓滅
維昔之富不如時五句謂維昔日之富不如是棲苴乎
凶年不能殺維今日之病不如茲雖棲苴亦潰乎彼視
爲粗米斯視爲精米民之脂膏已竭何有不自滅者主
此者况從斯引長之有不潰其茂者乎○池之竭矣七
句謂百姓已窮如池水之竭不云自瀕漏之乎不知泉
之竭矣不云自中本無源乎無源雖大斯害矣主此者
况從斯愈大有不裁及我躬者乎○昔先王受命七句
謂昔宣王之受命中興也有如召穆公復什一之政日
辟國百里無不入貢者今也厚斂日蹙國百里諸侯皆
不朝嗚呼哀哉維今之人不尙有舊制奈何不守乎舊
字古讀同久毋逸舊爲小人本紀引作久此舊久古通
之證此篇議論亦極中幽王時嚴刑重斂之弊能透發
其所以然之故

